

“Olmaliq KMK” Ajning 2021 yil I chorak yakunlari bo'yicha tahliliy ma'lumotnoma

“Olmaliq KMK” AJ boshqaruv raisi – Xursanov Abdulla Xalmuradovich.

Ijtimoiy-iqtisodiy rivojlantirish dasturining eng muhim ustuvor yo'nalishlarini bajarish davomida “Olmaliq KMK” AJ jamoasi 2021 yil I chorak yakunlari bo'yicha quyidagi tovar mahsulotlar ishlab chiqarish ko'rsatkichlariga erishdi:

- amaldagi narxlarda –112,7 %;
- qiyosiy narxlarda –101,1 % ga.

2020 yilning mos davriga solishtirma narxlarda tovar mahsuloti o'sish sur'ati 98,5 % ni tashkil etdi.

Mis katodini ishlab chiqarish 101,4 %, shu jumladan 100,5 % o'z xom ashyosidan, metalli rux 103,2%, shu jumladan 104,1 % o'z xom ashyosidan, sulfat kislotasi 105,9 %, affinajli oltin 102,4% va affinajli kumush 100,2 %, portlandsement 80,6 % ga bajarildi.

2021 yil I chorak yakuni bo'yicha 230,9 mln.doll. (162,5 %) miqdorida mahsulotlar eksportga sotildi.

O'zbekiston Respublikasi Prezidentining 2020-yil 9 yanvardagi PQ-4563 sonli “O'zbekiston Respublikasining 2020-2022 yillarga mo'ljallangan Investitsiya dasturini amalga oshirish chora-tadbirlari to'g'risida”gi farmoniga muvofiq 2021 yilga “Olmaliq KMK” AJ ishlab chiqarish quvvatini oshirish va xom ashyoni qayta ishlash uchun 5039,6 mln. dollarlik investitsiya o'zlashtirilishni mo'ljallagan, shu jumladan o'zlashtirish prognozi:

- korxonaning o'z mablag'lari hisobidan – 1724,0 mln.doll.;
- tiklanish va taraqqiyot jamg'armasi mablag'laridan– 336,4 mln.doll.;
- tijorat banklarining kreditlaridan – 62,7 mln. doll;
- to'g'ridan-to'g'ri xorijiy kreditlardan – 2916,5 mln. doll.

2021 yil I chorak yakuni bo'yicha 84,1 mln. dollar (103,6 %) miqdorida investitsiyalar o'zlashtirildi, shu jumladan:

- korxonaning o'z mablag'lari xisobidan – 71,1 mln.doll.;
- to'g'ridan to'g'ri xorijiy kreditlar xisobidan – 13,1 mln.doll. o'zlashtirildi.

O'zbekiston Respublikasi Vazirlar Mahkamasining 2020 yil 10 martdagi 136-sonli “2020-2021 yillarda ichki va tashqi bozorlarda xaridorgir mahsulotlarni ishlab chiqarishni mahalliyashtirish dasturi to'g'risida” gi qaroriga muvofiq “Olmaliq KMK” AJ 2021 yilda 161,4 mlrd. so'mlik 87 ta loyihani amalga oshirishi ko'zda tutilgan.

2021 yil I chorak yakuni bo'yicha 56 ta loyiha asosida mahalliyashtirilgan mahsulotlar ko'rsatkichi 43,1 mlrd. so'mni yoki prognozga nisbatan 134,7 foizni tashkil etdi.

2021 yilga mo'ljallangan ishlab chiqarish xarajatlarini qisqartirish bo'yicha tashkiliy-texnik chora-tadbirlar kompleksi ishlab chiqilgan bo'lib, unda ishlab chiqarish xarajatlarini 240,9 mlrd. so'mga yoki 1,8 foizga qisqartirish ko'zda tutilgan.

2021 yil I chorak yakuni bo'icha ishlab chiqarish xarajatlarini kamaytirish chora-tadbirlari kompleksini amalga oshirishdan kutilayotgan natija 185,3 mlrd. so'mni yoki 6,2 foizni, shu jumladan ishlab chiqarish tannarxi 54,2 mlrd. so'm yoki 1,8 foizni tashkil etishi kutilmoqda.

Kombinatda boshqaruvni takomillashtirish, moliyaviy-iqtisodiy ahvolni mustahkamlash, debitorlik va kreditorlik to'lovlarini kamayishini ta'minlash tadbirlari amalga oshirilib kelinadi.

2021 yil 1 aprel xolatiga kombinatning kutilayotgan debitorlik qarzlari 979,3 mlrd. so'mni, shu jumladan muddati o'tgan qarzlari 147,6 mlrd. so'mni, kreditorlik qarzlari 2681,6 mlrd. so'mni tashkil etishi kutilmoqda.

Byudjetga yoki ish haqiga nisbatan qarzdorlik mavjud emas.

Ishchi-hodimlarni texnik tayyorlash dasturiga muvofiq kadrlarning malakasini oshirish uchun 1719 nafar, shu jumladan, ishlab chiqarishdan tashqari xolda 203 nafar, qayta tayyorlash va ikkinchi mutaxassislikni o'zlashtirish bo'yicha 400 nafar, rahbar va mutaxassislarning malakasini oshirish va qayta tayyorlash bo'yicha 415 nafar, shu jumladan, ishlab chiqarishdan tashqari 55 nafar kishi o'qitildi.

“Olmaliq KMK” AJ O'zbekiston Respublikasidagi 10 ta oliy o'quv yurti va Rossiya Federatsiyasining MTTU “MISiS” universiteti va filiallari bilan oliy ma'lumotli mutaxassislar tayyorlash bo'yicha hamkorlikni olib boradi.

Hozirgi kunda umumiy talabalar soni 432 tani tashkil etmoqda, bundan 90 ta talaba OTMlarning kunduzgi va 342 ta talaba sirtqi va kechki bo'limlarida ta'lim olmoqda. Shu jumladan OTMlar bo'yicha:

O'zbekiston Respublikasida:

- Islom Karimov nomidagi Toshkent davlat texnika universiteti Olmaliq filialida (TDTU OF) – 279 ta;
- Islom Karimov nomidagi Toshkent davlat texnika universitetida (TDTU) – 18 ta;
- Toshkent davlat iqtisodiyot universitetida (TDIU) – 19 ta;
- Muxammad al-Xorazmiy nomidagi Toshkent axborot texnologiyalari universitetida (TATU) – 2 ta;
- Toshkent davlat transport universitetida – 8 ta;
- Toshkent kimyo texnologiya institutida (TKTI) – 1 ta;
- Toshkent arxitektura va qurilish institutida (TAQI) – 5 ta;
- Mirzo Ulug'bek nomidagi O'zbekiston milliy universitetida (O'zMU) – 6 ta;
- Mirzo Ulug'bek nomidagi O'zbekiston milliy universiteti Jizzax filialida (O'zMU JF) – 2 ta;
- MTTU “MISiS” Olmaliq filialida – 11 ta.

Rossiya Federatsiyasida:

- Milliy texnologik tadqiqot universiteti “MISiS”da – 81 ta

Shuningdek O'zbekiston Respublikasi Biznes va tadbirkorlik oliy maktabida – 1 nafar talaba taxsil oladi.

Oliy o'quv yurtlarida mutaxassis tayyorlash bo'yicha xarajatlar mart oyi bo'yicha 260,2 mln. so'mni tashkil etdi.

2021 yil mart xolatiga ko'ra 326 nafar qisqa muddatli kurslari tinglovchilari 11 ta yo'nalish bo'yicha o'quv nazariy mashg'ulotlarni yakunladi. "Olmaliq KMK" AJ O'quv markazi mutaxassislari tomonidan Olmaliq kon-metallurgiya kolleji va Olmaliq shaxar kasb-xunar maktabi xodimlari bilan xamkorlikda 184 nafar qisqa muddatli o'quv kurslar tinglovchilari uchun 12 martdan 18 mart sanasigacha kombinatning O'quv markazida komissiya a'zolari ishtirokida nazariy imtixonlar tashkil etildi.

Jami 272 nafar ishchi kasblarga qayta tayorlash bo'yicha qisqa muddatli o'quv kurslari tinglovchilari "Olmaliq KMK" AJ tarkibiy bo'linmalarida ishlab chiqarish amaliyotini o'tashmoqda. Shu bilan birga qisqa muddatli o'quv kurslarida o'qish istagini bildirgan 610 nafar fuqarolar ro'yxatini elektron bazasi yaratildi.

Hisobot davrida jami 331 nafar, jumladan kollej bitiruvchilari 199 nafari, oliy ta'lim bitiruvchilari 88 nafar va ma'lumotsiz 44 nafar kishi ish bilan ta'minlandi.

Yuqori turuvchi tashkilotlarining topshiriqlarini o'z vaqtida bajarish, ijro intizomini nazorat qilish tizimini takomillashtirish maqsadida "Olmaliq KMK" AJ Ijro apparatida yuqori tashkilot topshiriqlarini bajarilishini nazorat qilish xizmati tashkil etilgan va ijro intizomi holatini tizimli va tanqidiy tahlil qilish tartibi belgilandi.

Yil davomida O'zbekiston Respublikasi Qonunlari, O'zbekiston Respublikasi Prezidenti xujjatlari va hukumat qarorlarining joylardagi ijrosini o'rganish ishlari amalga oshirish mobaynida hisobot tizimini joriy etish va belgilangan muddatlarda hujjatlar ijrosi ustidan nazoratni tashkil etish ishlari olib borilmoqda. Kombinatsion ish rejasiga asosan analitik hisobotlar tayyorlanib bayonnomalar tuzib borilmoqda.

Qarorlari ijrosini tanqidiy tahlil qilish, kamchiliklarni aniqlash va ularni bartaraf etish bo'yicha aniq chora-tadbirlar ishlab chiqish bo'yicha tizimli ishlar amalga oshirilmoqda.

2021 yil I choragida jami 219 ta hujjat kirim qilingan, shu jumladan:

O'zbekiston Respublikasi Prezidentining hujjatlari va topshiriqlari 44 ta – (2 ta Farmon, 7 ta qaror, 1 ta farmoyish, 4 ta bayon, 30 ta topshiriq);

O'zbekiston Respublikasi Vazirlar Mahkamasining hujjatlari va topshiriqlari 175 ta (20 ta qaror, 5 ta farmoyish, 25 ta bayon, Bosh vazir, uning o'rinbosarlari va maslahatchilari topshiriqlari – 85 ta, kotibiyat topshiriqlari – 40 ta);

Fuqarolar bilan ochiq muloqot olib borish, tushgan murojaatlarni sinchiklab ko'rib chiqib aniq qaror qabul qilish maqsadida "Olmaliq KMK" AJ ijro apparatida yuridik va jismoniy shaxslarning murojaatlarni nazorat qilish va ishlash xizmati joriy qilingan. Bo'limda har kunlik doimiy qabul tashkil etilgan.

Hisobot davriga 1201 ta murojaat kelib tushgan. Shulardan 870 tasi ko'rib chiqilgan, 331 tasi jarayonda, ko'rib chiqilmoqda.

Kelib tushgan arizalar mazmuni – moddiy yordam, ishga joylashish va tiklanish, davolanish, mehnat munozaralari, oylik maosh, xizmat uy-joylari bilan ta'minlanish, texnik xizmatlar, yer kadastr, transport muammolari va hakoza murojatlardan iborat.